


Яхшиларнинг яхшиси



БАХТ ҚУШИ КИМНИНГ ҚўЛИДА?

Эркакларга
хос хасталик



Театрга
киролмадик

БУ МУҚАДДАС ВАТАНДА АЗИЗДИР ИНСОН!



Барибир ўзимизнинг бугдой нонимиз ширин-да!

Машраб НУРИНБОЕВ
сурат-лавҳаси.

ДОИМИЙ ПРОПИСКА ҚИЛИШ БОШЛАНДИ

Ўзбекистон Республикаси Ички ишлар вазирлиги, генерал-лейтенант Б. Матпубовнинг буйруғига биноан 2012 йил 14 майдан Ўзбекистон Республикаси фуқароларининг Тошкент шаҳри ва Тошкент вилоятига доимий прописка қилиш тартибни тўғрисидаги Йўриқнома кучга кирди ва фуқароларнинг прописка қилиш бошланди. Кўпчиликни қизиқтираётган ушбу масалага атрофлича аниқлик киритиш ҳамда турли саволларни батафсил шарҳлаб беришни Ўзбекистон Республикаси ИИВ Хорижга чиқиш, келиш ва фуқароларнинг расмийлаштириш бошқармаси бошлиғи, полковник Бадриддин Шорихсиевдан сўрашмоқчи бўлдик.

— Мазкур Йўриқнома Ўзбекистон Республикасининг «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг Рўйхати тўғрисида»ги Қонуни ва республи-

лика Вазирлар Маҳкамасининг 2012 йил 16 февралдаги «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг Рўйхати тўғрисида»ги Ўзбекистон Республикаси



Жараён

Қонунини амалга ошириш чоратадбирлари ҳақида»ги Қарорига мувофиқ фуқароларимизни Тошкент шаҳри ва Тошкент вилоятида доимий прописка қилиш тартибини белгилаб беради.

Доимий прописка қилиш ички ишлар идоралари томонидан амалга оширилади ҳамда жамоат хавфсизлигини таъминлаш ва ҳуқуқбузарликнинг олдини олиш, шунингдек, аҳоли миграциясини ҳисобга олиш мақсадида фуқаронинг Тошкент шаҳри ва Тошкент вилояти ҳудудининг муайян жойида яшashi фактини аниқлашни назарда тутди.



«МАТБУОТ
ТАРҚАТУВЧИ»

АКЦИЯДОРЛИК КОМПАНИЯСИ —
доимий ҳамкоримиз!

ЭНГ УЛУҒ БОЙЛИК

Юртбошимиз таъбири билан айтганда, инсон зоти ҳеч қачон хотирасиз яшай олмайди. Зеро, ўтмишни қадрлаш ҳар қандай шахсининг маънавий дунёсини бойитиши, ўтганлар руҳини шод этади, ёруғ кунларга шукроналар айтиб, эртанги кунга умид, қатъий ишонч билан қарашга ундайди. Миллатимиз, халқимизнинг ўтмиши битилган тарих саҳифаларини варақлар эканмиз, унинг ҳар бир дақиқаси, йили, асри азиз-авлиёлар, буюк аждодларимиз — олиму фузалолар, заҳматкаш инсонларнинг асрларга татигулик бекиёчи хизматларини ўзида ўчмас қилиб муҳрлаган.

Мустақиллик шарофати билан аждодларимиз руҳи-поклари улуғланмоқда, уларнинг бой маънавий мероси халқимизга етказилмоқда, қадамжолари обод қилинмоқда. Уларни хотирлаш, ёдга олиш савоб-ку! Ана шу ҳақиқатни англаб етган, мушоҳадаси кенг, фаросати юксак, ақли комил эл фарзандларимиз. Чунки шундай халқ савоб ишлар қилишга қодир, шундай элгина тарихини, алломаларини хотирлашга, қадрлашга қодир десак муболага бўлмайди.

Президентимиз ташаббуси, бевосита раҳнамолиги ос-

тида Тошкенти азимда Хотира майдонига асос солинди. Бу улуғвор манзил бугунги кунда миллатни, халқни бирлаштирувчи, жипслаштирувчи муқаддас қадамжого айланди. Ёки Шаҳидлар хотираси мажмуасини олайлик. Бу муборақ зиёратгоҳ ҳам Ватанимизнинг шаъни, эрки ва озодлиги йўлида шаҳид кетганлар руҳи-покига қўйилган ўлмас ҳайкалдир.

Қайтар дунё дейдилар. Ишончимиз комилки, ўтмишини улуғлаган, азиз зотлар номини абадиятга муҳрлаганларга кўрсатилган иззат-икром эртанги кунимиз эгалари бўлмиш ёш авлодлардан қайтиши аниқ. Зеро, кўнгил азизлар хотираси учун ҳамиша муштоқ бўлса, замондошларимиз қалби хотиржамлик топади, ёшларимиз анъанани давом эттириб, "Бу муқаддас Ватанда азиздир инсон" ақида-сига қатъий амал қилиб, яна ғайрат-шижоат билан бунёдкорлик сари интиладилар.

Абдували АБУСАИДОВ,
Самарқанд давлат университети кафедра муди-
ри, филология фанлари доктори, профессор

Муносабат

Таъдбир

МЕҲР КЕРАК,
ЭЪТИБОР ЗАРУР!

Пойтахтимизнинг Фафур Фулом номидаги истироҳат боғида Халқаро болаларни ҳимоя қилиш кўнига бағишлаб ўтказилган байрам тадбирлари кўпчилигининг қувончига қувонч қўшди.

Табиики, ҳар бир кичкинтой бундай кунда ўзига хос совға-салом кутади. Бу борада Тошкент шаҳар ҳокимлиги ва "Сен ёлғиз эмассан!" республика жамоатчилиги болалар жамғармаси анъанавий тарзда ташаббусни ўз қўлларига олишди. Улар ҳамкорлигида жорий йилнинг 26 май — 2 июнь кунлари "Ҳар бир фарзанда — меҳр, эътибор!" шиори остида махсус ҳафталик ташкил этилиб, унда пойтахтдаги барча туманларнинг ижтимоий ҳимояга муҳтож оилалари фарзандлари, имконияти чеklangан болалар, Меҳрибонлик ва Муруват уйлари тарбияланувчиларини байрам билан табриклаш мақсадида хайрия тадбирлари ўтказилди.

Шу кунни хушманзара боғнинг очик саҳнасида намоиш этилган концерт дастури жажжи меҳмонларни қувонтирган бўлса, ижодиёт марказлари томонидан ташкил этилган кўргазмалар болажонлар тасаввур оламини кенгайтиришга хизмат қилди. Шахмат, шашка, стол теннис ва асфалтга расм чизиш бўйича ўтказилган мусобақалар байрамга ўзгача шухуқ бағишлади. Шунингдек, касб-хунар коллежлари, академик лицей ва умумтаълим мактаблари ўқувчилари иштирокида Бола ҳуқуқлари тўғрисидаги Конвенцияга бағишланган мавзу юзасидан викторина ташкил қилиниб, ғолибларга ҳомийларнинг совғалари улашилди.

— Бугунги байрам менга жудаям ёқди, — дейди Юнусобод туманидаги 246-мактаб ўқувчиси Нафосат Усмонова. — Тенгдошларимнинг саҳна чиқишлари, цирк артистларининг томошалари аиниқса қизиқарли бўлди. Машхур кўшиқчиларнинг кўшиқларига маза қилиб рақсга тушдим.

Болаларни қутлаш учун келган санъаткорлар байрам тадбирига ўзгача файзу тароват бағишлади.

Дилроз АБРАЕВА,
Бекзод САМАНДАРОВ.

"ҚАЛДИРҒОЧЛАР"
УЧИБ КЕТАПТИ

2011–2012 ўқув йилида мактабимизнинг 9-синфини 117 нафар ўқувчи битиряпти. Эътиборли жиҳати, йил давомида улар билан малакали устозлар фаол иш

ТАЛАБАЛАР УЧУН ЯНА БИР ИМКОНИЯТ

Мамлакатимизда аҳолининг ҳимоя ва қўмакка муҳтож қисмига баҳоли қудрат ёрдам бериш, ёшларни спортга кенг жалб этиш, хотин-қизлар, болалар саломатлигини муҳофаза қилиш борасида "Ўзбекистон маданияти ва санъати форуми" ҳамда "Меҳр нури" жамғармаси нодавлат ташкилотлар ҳамкорлигида кўплаб хайрли лойиҳаларни амалга оширмоқда. Ўтказилаётган ижтимоий лойиҳалар, хайрия марафонлари, спорт мусобақалари, маърифий анжуманлар жамиятимизда соғлом турмуш тарзини қарор топтиришга хизмат қилмоқда.

"Меҳр нури" жамғармасининг "Ижтимоий ҳимоя" лойиҳаси кўп фарзандли, кам таъминланган оилаларга моддий ва молиявий қўмак кўрсатишга қаратилган бўлса, "Ҳомийлик ёрдами" йўналишида жамғарма кўплаб умумтаълим ва тиббий муассасаларини, Меҳрибонлик уйлари, болалар боғчалари, мактаб ва Саховат уйлари қайта таъмирлаш ва жиҳозлаш ишларини амалга оширди. "Таълим грантлари дастури" ва "Иқтидорли талабалар учун стипендиялар дастури" орқали ёш истеъоддорларнинг ижодий интилишлари рағбатлантирилмоқда. Ҳар йили минглаб

янги истеъоддорлар кашф қилинмоқда.

Ўтган ҳафта "Меҳр нури" жамғармаси ва бир қатор нодавлат ташкилотлар ҳамкорлигида Тошкент педиатрия тиббиёт институтида замонавий спорт маж-



муасининг фойдаланишга топширилиши ҳам ёшларнинг ҳар тарафлама баркамол бўлиб улғайиши йўлида яратилаётган шароитлардан бири бўлди.

Янги спорт мажмуасида оғир атлетика, кураш, гимнастика, фитнес, мини-футбол, баскетбол, волейбол ва бошқа кўплаб спорт турлари билан шуғулланиш учун барча шароитлар мавжуд. Замонавий спорт инвентарлари билан жиҳозланган заллар, тренажёр хоналари талабалар ихтиёрига топширилди.


Баркамол авлод

— Бугунги кун институтимиз учун унутилмас воқеага айланди. Талабаларимиз шундай чирилли, замонавий спорт мажмуасига эга бўлишди. Мамлакатимизда инсон омили устуворлигини таъминлаш, халқимизнинг турмуш фаровонлигини юксалтириш, тиббий хизмат кўрсатиш сифатини янада яхшилаш борасида кенг қамровли ислохотлар, эзгу ишлар амалга оширилмоқда. Бугун фойдаланишга топширилаётган мана шу спорт мажмуаси ҳам ёшларимиз камолоти йўлида кўрсатилаётган эътибор ва ғамхўрликнинг амалдаги яна бир ифодасидир. Қурилиши ўтган йилнинг август ойида бошланган эди. "Меҳр

нури" жамғармаси қисқа муддатда талабаларимизга шундай замонавий спорт мажмуасида шуғулланиш имконини яратиб берди. Бунга жавобан талабаларимиз "Универсиада" мусобақалари, республика чемпионатлари, халқаро турнирларда ўз истеъодларини намоиш этишди, — деди мажмуанинг очилиш маросимида сўзга чиққан Тошкент педиатрия тиббиёт институти ректори Ботир Даминов.

Ўз муҳбиримиз.

ЙИЛНИНГ ИЛК ҲОСИЛИ



Бу йил пилла етиштиришда об-ҳавонинг серёгин келиши ипак куртларининг пилла ўраш муддатини бироз узайтирган бўлса-да, пиллакорларнинг самарали меҳнатлари туфайли мўлжалдагидан кўп ҳосил етиштирилди. Буни Китоб тумани мисолида яққол кўриш мумкин.

Авалло шуни алоҳида таъкидлаш кераки, бу йилги мавсум олдидан 46–48 нафар пиллачилик звеноларининг ҳар бирига ўсимлик мойи ва ун тарқатилиб, моддий манфаатдорлиги таъминланди. Шунингдек, бўнак пуллари ҳам берилди. "Китоб ипак" МЧЖ раиси Насиба Нуро-

ванинг таъкидлашича, баҳорда мавжуд тут дарахтлари парваришига алоҳида эътибор берилиб, озиклантирилди. Тутларнинг ҳар бир эвенога парваришланган ипак куртига қараб тақсимланганлиги барг тақчиллигининг олдини олди.

"Пахтабод" қишлоқ фуқаролар йиғини ҳудудидagi пиллачилик звенолари каттагина тажрибага эга бўлиб, махсус уруғлик пилла етиштирилди. Элёр Ҳалимов, Гулсевар Турсунова, Наргиза Алиева, Кумри Ҳалимова сингари пиллачилик звенолари биринчилардан бўлиб ҳосил топширганликлари учун ту-



Реклама ўрнида

Пилла — тилла

ман ҳокимлигининг махсус совғалари билан тақдирланишди.

— Пилла етиштиришда Саттор Саидовлар оиласига тенг келадигани топилмади, — дейди "Тошой Каромат Рустомова" фермер хўжалиги раҳбари Баҳодир Ашуров. — Хўжалигимиз бўйича 11 қути ипак курти парваришланган бўлса, шунинг 2,5 қутисини Саидовлар оиласи етиштирди. Улар 150 ўрнига 220 килограммдан ошириб ҳосил топширдилар.

Дарвоқе, Саттор Саидовнинг Феруза, Гулзода, Озода сингари бир-биридан чаққон қизлари ипак куртлари парваришида алоҳида фидойилик кўрсатдилар.

Туманда 391 тонна "кумуш тола" етиштириш учун пилла топшириш ишлари давом этмоқда.

Шавкат СУЛТОНОВ,
"Оила ва жамият" муҳбири.
Қашқадарё вилояти.

СУРАТЛАРДА: "Тошой Каромат Рустомова" фермер хўжалиги пиллачиси Феруза Сатторова.

Фермер хўжалиги раҳбари Баҳодир Ашуров ҳамда Саттор Саидовлар пилла ҳосилини кўздан кечиришмоқда.



олиб боришиб, қизиқарли учрашув, жонли мулоқот-суҳбатлар, зиёратлар уюштирилди. Айниқса, "Махалла — оила — мактаб" ҳамкорлиги кенг йўлга қўйилиб, бевосита ота-оналар ва ўқувчилар иштирокида "Фарзандингиз танлаган касб", "Мен тўғри касб танладимми?" каби мавзуларда семинар-тренинглар, интерфаол усулда йиғилишлар ўтказилди.

Шунингдек, инглиз тили фани ўқитувчилари Хурида Маманова, Инобат Шамсиддиновалар томонидан фан ойлқлари доирасида ўтказилган «Бизнинг иқтидорлилар» тадбири кўпчиликда катта таассурот қолдирди.

Битирувчи ёшлар иштирокида ташкил этилган «Сўнги кўнғирок» кечаси эса ҳаяжонли муסיқий дастур ва саҳнавий кўринишларга бой бўлди.

Лола НОРМАТОВА,
Тошкент шаҳар Юнусобод туманидаги 271-мактаб психологи.

...Озод ака ҳар тонг ишга отланар экан, падари бузрукворининг уй тўридаги суратиға меҳр билан боқади. Отасининг тез-тез таъкидлаб турадиган ушбу сўзлари беихтиёр қулоғи остида акс-садо беради: "Ўғлим, оила аталмиш муқаддас даргоҳни покиза сақлаш, гард юқтирмаслик сендан ҳам, жуфти ҳақолингдан ҳам катта масъулият талаб қилади. Оила бахти учун биргаликда, аҳилликда ҳаракат қилинлар. Шундагина асло кам бўлмай-сизлар".

Эрини хушқайфият билан ишга кузатиб қўйган Гулбаҳор опа ҳам эрталабдан иккала келинини ёнига олиб, тўйга берилган буюртмаларни тикишга шахд билан киришди. Опа тонгдан сеvimли юмушига, кечкурун оиласи бағрига ошиқадиган меҳридарё, қалби қуёшдек ёруғ

за, Хурсандбек, Алишер, Бахтигул ҳам шу сулола бошлаган анъанани шарафлаб келишяпти.

Дарҳақиқат, Озод Саъдуллаев ўттиз йилдан бери Хива педагогика касб-хунар коллежида тасвирий санъат фани бўйича, умр йўлдоши Гулбаҳор Собирова эса Қўшқўпир туманидаги Хадра қишлоғидаги 15-сон мактабда эстетика фанидан ёшларга сабоқ беришди. Ҳозирги кунда Озод ака туман халқ таълими муассасалари фаолиятини методик таъминлаш ва ташкил этиш бўлимида йўриқчи бўлиб ишляпти. Гулбаҳор опа эса пенсияда. Шундай бўлса-да, бекор ўтиришни ор билади, оилавий бизнес асосида ўз хонадонидида тикувчиликни йўлга қўйган. Мана бир неча йилдирки, маҳалладаги келинларга, ёш қизларга чеварлик ҳунарини ўргатапти. Қўрлатушак, ёстик, келин қўйлаклари учун берилган буюртмаларни ўз вақтида, кўнгилдагидек бажариб беришмоқда. Эндиликда қўшни қишлоқлардан ҳам буюртмалар келмоқда.

Бу хонадон аҳлининг томорқадан фойдаланиш бора-сидаги тажрибалари ҳам таҳсинга лойиқ. Ҳосилга кирган богда олманинг етти, ўрикнинг беш, нокнинг ўн, шафтолининг олти хили, хуллас, қандай мева бўлса, хил-хилидан бор. Томорқасидаги полиз, сабзавот маҳсулотларидан ҳам баракали ҳосил олишади. Ҳатто қўкатлар, қулупнай, pistaғача ўзлари етиштиришади. Томорқа ва боғи атрофини оқ тут, шотут, жийда, наъматак, бўйтераклар қуршаб турибди. Бир қарич ер ҳам бўш эмас. Ранг-баранг, анвоий гулларни айтмайсизми? Қиш фаслида ҳам уй ичкарида турфа баҳорий гуллар яшнаб, атрофга файз, кўнгилларга завқ бағишлайди. Ён қўшнилари ҳам улардан ибрат олиб, мева-сабзавот, полиз маҳсулотлари харид қилиш учун бозорга боришмайди. Бу хонадон аъзоларининг чорвачилик, паррандачилик соҳасида эришаётган ютуқларига кўпчиликнинг ҳаваси келмоқда.

...Ёзининг илик ва сокин оқшоми тушмоқда. Бундай пайтда тўкин дастурхон атрофига жам бўлган зиёкорлар оиласи бугунги амалга оширилган эзгу ишлари-ю, эртанги кун режалари ҳақида ўзаро мулоқотга киришади.

Абдулла САФОЕВ,
журналист.
Хоразм вилояти.

БУ ШУНДАЙ ГУЛШАНКИ...

Халқимиз азалдан оилага катта эътиқод, ҳурмат ва эҳтиром билан қараган. Каттага ҳурмат, кичikka иззат қўрсатиш, ота-она ва фарзандларнинг ўз бурч-вазифаларини бажариш мажбурияти халқимизнинг асосий қадриятлари саналади. Бинобарин, бурч ва ўзаро ҳурмат оила мустаҳкамлиги, тинч-тотувлиги, қут-баракасини таъминлайди.

Аждодларимиздан мерос сифатида ўтиб келаётган ана шундай қоидалар бугунги кунда ҳам заррача ўзгаргани йўқ. Ўзбек оилаларига қўплаб бошқа миллат вакиллариининг ҳавас билан қарашни ҳам шундан. Ҳавас қилса арзийди ҳам. Зеро, оила деб аталмиш қўргонда халқимизга хос бебаҳо қадрият, урф-одат ва анъаналаримиз камол топиб, авлоддан авлодга ўтиб келмоқда. Юртдошларимизнинг оилага муносабати ҳақида ҳар қанча фахрлибик гапирсак ярашади. Айтилик, бирор оилада нотинчлик бўлса, фақат қўни-қўшни эмас, бутун маҳалла шу оилани муроасага қақришга жон қуйдиради. Ваҳоланки, ҳеч қаерда нотинч оилаларни қўни-қўшни ёки маҳалла-қўй яраштириши шарт, деган қоида йўқ. Бу удуф фақатгина бизнинг қонимизда бор. Бизда ҳеч ким "Мен фалончига салом бердим", деб мақтанмаганидек, бирор рўзгорни муроасага келтирган юртдошимиз ҳам "Мен фалончиларни яраштириб қўйдим", деб жар солмайди.

Оила жамиятнинг асосий бўғини ва ижтимоий таянчидир. Ҳар бир хонадоннинг бахтиёрлиги ва фаровонлиги, пировард натижада жамият барқарорлиги, гуллаб-яшнаши йўлида хизмат қилади. Оила нафақат инсон наслини давом эттириш омили сифатида, балки жамият аъзоларини, айниқса, ўсиб келаётган ёш авлодни миллий истиқлол ғояси асосида тарбиялаш маскани сифатида ҳам катта аҳамиятга эга.

Оила насл қолдириш, асрлар оша ота-боболаримиздан ўтиб келаётган урф-одатларни сақлаш, жамият тинчлигига ўз ҳиссасини қўиши ва энг асосийси, эртанги кунимизнинг таянчи бўлган ёшларни тарбиялашга масъул бўлган улуг даргоҳдир. Президентимиз таъкидлаганидек, "Бу ёруғ дунёда ҳаёт бор экан, оила бор. Оила бор экан фарзанд деб аталмиш бебаҳо неъмат бор. Фарзанд бор экан, одамзот ҳаминша эзгу орзу ва интилишлар билан яшайди".

Гулнора ҚУРБОНОВА,
Жомбой туман 2-сон ДНИ нотариуси.

Пиру бадавлатлар

ЯХШИЛАРНИНГ ЯХШИСИ

Телов — Оҳангарон туманининг сўлим қишлоқларидан бири. Бу гўша нафақат ўзининг кўркамлиги, балки ибратли оилалари билан ҳам ажралиб туради. Айниқса Содиқовлар оиласи хусусида гап кетса, меҳнат-севарлик, аҳиллик бобида уларга етadигани кам, дея таъриф беришад.

— Ҳошимжон ота Содиқов қишлоғимиз равнақи учун катта хизмат қилган инсонлардан биридир, — деб сўз бошлайди Телов қишлоқ фуқаролар йиғини маслаҳатчиси Мавлуда опа Умарова. — Шу боис теловликлар отани устоз, муаллим деб эъзозлашади. Боиси, у киши шу ҳудудда жойлашган 38-сон мактабда 26 йил директор лавозимида ишлаган бўлсаларда, лекин қишлоғимизнинг ободлиги учун меҳнатларини аямаганлар. Яхшиси, ўзлари билан суҳбатлашганингиз маъқул, дея отахон яшайдиган хонадонга бошлайди опа.

Тог бағрида ястаниб ётган бу қишлоқ аҳли асосан богдорчилик ва деҳқончилик билан шуғулланади. Ҳошимжон отанинг ҳовлисидаги гулзорни кўриб кўзларимиз қувнаб кетди. Бир ёқда эса ғарқ пишган ўрик ва

у кишидан кетмон, ўроқ ясашни ўрганганмиз. Отамнинг фарзандлари кўп бўлган. Онам раҳматли ўғил бола ота касбини олса яхши бўлади, деган нақлга амал қиларди. Демокчиманик, ота-онамиздан болаликда олган тарбиямиз фарзандлар тарбиясида ҳам қўл келди.

Ўғилларимнинг тўнгичи Баҳодир-



жон хизмат вазифасини ўтаётганида жиноятчиларга қарши курашиб, мардларча ҳалок бўлган. Ном ва жасорати ҳукуматимиз томонидан шарафланган. Бир ота сифатида шундай жасур ва ватанпарвар ўғлонни тарбиялаганим билан албатта ҳар қанча фахрлансам арзийди. Ўғлим Бахтиёржон миришкор деҳқон сифатида "Гулрух" фермер ҳўжалигини бошқариб келаётир. Ихтиёржон эса Оҳангарон



гилослар кишининг ҳавасини кўзгайди. Отанинг илдам ҳаракатларидан у кишининг салкам саксонни қоралаганига ишонгингиз келмайди.

— Раҳматли Равшаной аянгиз билан 58 йил умргузаронлик қилдик, — дейди отахон. — Уч ўғил, беш қизни вояга етказиб, элга қўшдик. Кўз тегмасин, бирортасининг ортидан ҳали маломат эшитганимиз йўқ. Бу ниманинг маҳсули, албатта, тўғри тарбиянинг-да.

Мен кўп йиллик ҳаётий тажрибадан келиб чиқиб айтманки, оилада энг аввало, ота-онанинг ўрни муҳим роль ўйнайди. Масалан, ўзимдан қиёс, аёлим уйда оқила, сариштали бўлганидан ташқари, 30 йил меҳнат фанидан ўқувчиларга сабоқ бергани туфайлими, фарзандларимиз ҳам қобил, ҳалол, меҳнатқаш бўлиб ўлайди. Қуш уясида кўрганини қилади, деганлари рост экан. Болаларимдаги оилапарварлик, ишчанлик энди қаранг, уларнинг фарзандларига ҳам ўтган.

Менинг падари бузрукворимни уста Содиқ дейишарди. Мохир темирчи бўлганлар. Болалигимизданоқ

туман ички ишлар бўлимида ишляпти. Ҳаммаси эл хизматини шараф билан ўтаётир. Менга бундан ортиқ яна қандай мартаба керак?

Минг шукрки, бугун ўн етти неварам, учта чеварам бағримни тўлдириб турибди. Уларга ҳам ўзим босиб ўтган заҳматли ҳаёт сабоқларини ўргатайман. Эртанги кунда бу ўғит ва сабоқлар уларга асқотишига аминман.

Ҳошимжон ота чин маънода зиёли ва дунё кўрганлиги боис унинг ҳар бир ҳўқоясида ҳаёт ҳикматлари яширин. Гарчи ҳозирги кунда пенсияда бўлсалар-да, ҳамон маҳалл-қўй, қишлоқдошларининг қувонч-ташвишларига шерик. Маслаҳат, йўл-йўриқ кўрсатишдан эринмайди. Бундай инсонлар табиийки, ўзлари умргузаронлик қилаётган гўшанинг ишончли устунлари яъни яхшиларнинг яхшиси дея таърифлашга арзийди.

Нигора ЎРОЛОВА,
"Оила ва жамият" муҳбири.
Тошкент вилояти.

Реклама ўрнида.

Инсон зоти борки, у хоҳ йигит, хоҳ қиз бўлсин, ба-
лоғат ёшига етгач, ажойиб хунари, севимли турмуш
ўртоғи, ҳамма ҳавас қиладиган мустаҳкам оиласи
бўлмоғини орзу қилади. Аммо... Ҳаёт ҳар доим биз ўйла-
ганчалик, орзу қилганчалик теп-текис бўлавермайди.
Ҳамма ҳам ўзи интизор кутган шахзода-маликасини
учратавермайди. Такдир битикларидан қочиб қайга
борардик?

Республика «Ижтимоий фикр» маркази ўтказган сўро-
номага кўра, оилада дунёқарашнинг мос келмаслиги
оқибатида юзага келадиган келишмовчилик эркаклар-
да 35,2%, аёлларда 36 фоизни ташкил этар экан.

...Сохибжон олий ўқув юрти-
нинг биринчи курсида таҳсил
олаётган пайтидаёқ ота-онаси
унинг «бошини икита» қилиб
қўйишди. Келин ҳам эндигина
17 ёшга кирган, рўзгор ишла-
рида деярли ўқуви йўқ эди.
Тўйдан кейин бир ҳафта ўтгач,
куёв бола ўқишга жўнади, чи-
милдиғи совмаган қиз эса қай-
нона-қайнонанинг қарамоғида
қолди. Сохибжон дастлаб икки-
уч ҳафтада келиб-кечиб юрди,
кейин талабалик ташвишлари-
дан бўшамади. Вақт ўтиб, ёнги-
насида овоз қушлардек яйраб
юрган курсдошларига ич-ичи-
дан ҳаваси келди, шунга яра-
ша фикр-қарашлари ҳам
ўзгара бошлади.

Қишлоққа боргач, Гул-
чеҳра билан наридан-бери
гаплашар, ва бир кун-
даёқ зерикиб қолгани
учун яна шахарга чо-
парди. Сохибжон
иккинчи босқичда
ўқиб юрганида ўзи
билмаган ҳолда
курсдоши Латофат-
га қаттиқ боғланиб
қолди. Улар соатлаб
гаплашишар, бир-
бирларини кўз
қарашлари билан
тушунишарди. Йи-
гит, тарозининг бир
томонига ҳали мус-
тақил ҳаёт қуришга
тайёр бўлмаган
укувсиз Гулчеҳрани, бир томо-
нига эса кўнглига ҳар томонла-
ма мос бўлган Латофатни
қўйиб, уйланишга шошилгани
учун пушаймон қиларди. Лекин
энди орта йўл йўқ, у ёқда хо-
тини фарзанд кутаётган эди...

Замира Азимова, психолог-маслаҳатчи:

— Янги оила барпо этилиб,
эр-хотин бир тану бир жон
бўлиб кетишлари учун қатор
омиллар ва йиллар керак бўла-
ди. Бунда уларнинг турмуш қур-
ган ёши, ўсиб улғайган оила-
вий муҳити, келин-куёвнинг
оилавий тутумлари ва шу бил-
лан биргә дунёқарашлари ҳам
муҳим роль ўйнайди. Эндигина
қурилган оиланинг шаклланиши
учун камидя беш йилча вақт
керак бўлади. Мана шу давр-
да уларнинг умумий мақсадла-
ри, қадриятларга муносабати
мос бўлса, оила бир бутун
бўлиб шаклланиши осон кеча-
ди. Агар тескариси бўлса, эр ўз
хоҳишича, аёл ўз ҳолича юра-
веради. Ва албатта, бундан
аввало болалар зиён кўради ва
икки ўртада ички низолар пай-
до бўлади. Бу эса истаймизми-
йўқми, оилавий муносабатлар-
га дарз етказилади. Айтайлик,
йигит ўқимишли, дунёқараш
кенг. У оилани фақатгина эр-
лик ва хотинлик вазифа ва
бурчларидан иборат деб бил-
майди. У аёли ҳам дўст, ҳам
фикрдош, сирдош бўлишини,
ҳар қандай вазиятда ҳам унга
суяниш ва ундан руҳий кўмак
олишни истайди. Шундай
ҳолатда агар, аёли етарлича
тушунчага, билим ва кўникма-
га эга бўлмаса, у дунёни фа-
қатгина оила даврасидан таш-

қарига чиқмаган ҳолда идрок
этса, йигит энди бошқа дўст,
сирдош қидиришга ҳаракат
қилади ва охир-оқибат биз бир-
биримизга мос эмасмиз, деган
қарорга келади.

Бизга маслаҳат сўраб муро-
жаат қилаётган эркакларнинг
кўпчилиги тажрибаси бор, 7-8,
ҳатто 10 йилдан бўён бирга
яшаётган оила бўлиқлари.
Аёлидан кўнгли тўлмай, энди

келин нафақат эрини,
балки қайнонасини тушу-
нишга ҳам қийналяпти. Қайно-
на уни чиройли кийиниб, қулиб
хушчақчақ юришини хоҳляпти,
куёв ҳам келини кенг мушо-
ҳадади, зукко, қўйинги, ҳам
ташқи, ҳам ички гўзалликлар
сохибаси сифатида кўргиси
келади. Ёш келин эса бунди
қабул қила олмаяпти ва ўртада
низо чиқаяпти.

Аёлларда ҳам ўз жуфтининг
етарлича ақлли, илмли, мада-
ниятли эмаслигидан норозилик
ҳисси, бир-бирини тушунмас-
лик ҳолатлари оқибатида ке-
лишмовчиликлар содир бўлаёт-
гани бор гап. Бироқ орамизда
айрим эркаклардан фарқли
ўларок, бундай вазиятларда
сабр билан иш тутаетган, ке-
рак бўлса, эрларини

Мунозара учун мавзу

ган қайнонаси ҳам тан берди.
Хаш-паш дегунча тўрт йил ҳам
ўтиб кетди. Лола кўндузи иш-
лаб, кечки пайт қўшнилари-
нинг болаларига репетиторлик
қилди – рўзгорни амаллаб тур-
ди. Турмуш ўртоғига ёрдамла-
шиб, курс, диплом ишларини
ёзишди.... Мана, ҳозир икки
фарзанди ўқимишли, ўз йўли-
ни топиб кетганидан ота-она-
си фахрланишади. Олимжон
ҳам буларнинг ортида рафиқа-
сининг заҳматлари ётганини
унутгани йўқ.

Психолог изоҳи:

Оилада роль ва вазифалар-
нинг тўғри тақсимланиши, бу
борадаги тасаввурларнинг
мослиги. Эркакларнинг бош вази-
фаси — рўзгорни боқиб ва
оила бошлиғи бўлиш. Аёлнинг
асосий вазифаси эса оилани
асраш. Ҳаётини мақсад ва қад-
риятларнинг ўзаро мослиги
шу-да. Агар ана шу уч асос
ўзаро мувофиқ, мутаносиб
бўлса, бундай оила албатта
мустаҳкам бўлади. Шу ўрин-
да оила аҳилигига дарз ет-
казувчи ташқи омиллар
борлигини ҳам унутмаслик
керак. Булар — ёт қадри-
ятлар, оммавий мадани-
ят... Ички омиллар —
муаммоларни бирга-
ликда ҳал қилишдан
қочиш, масъулият-
сизлик... Оилани
мустаҳкамлаш
учун зарур фази-
латлар — ке-
чиримлилиқ, сабр-
тоқат, ўзаро
ғамхўрлик,
ишонч, садоқат,
масъулият ва са-
мимият. Баъзан
эр-хотин бир-
бирларини
қаттиқ севса-

лар-да, мана шундай жиҳатлар-
га эътиборсизликлар, фикрла-
рининг бир жойдан чиқмасли-
ги оилавий саодатга элтувчи
йўлни тўсади. Масалан, аёл
оилани сақлаб қолишни иста-
са, эри ёқтирган китобни
ўқиши, у яхши кўрган кинони
кўриши мумкин. Хуллас, у би-
лан суҳбатлашишга, умумий
мавзу топишга ҳаракат қилиши
керак. Баъзан эркаклар ҳам
рафиқалари учун қандайдир
янгиликлар кашф эта олишади.
Фақатгина бунга хоҳиш-ирода
керак.

Кўпинча эртақ-киноларда
воқеалар бахтли никоҳ билан
яқун топади. Гўё кейинчалик
қахрамонларнинг ҳаётида ғам-
қайғу, тушунмовчиликлар
бўлмайдиганди. Аслида никоҳ
бахтли ҳаётимизнинг бошлани-
ши, дебобасидир. Бунинг учун
эса оилада ҳамма ўз ўрнини,
вазифасини билиши, ёшлар
ўзларини яхши, бахтли ҳис
қилиши ва бундан теварак-ат-
рофдагилар зиён кўрмаслиги
шарт. Аввалбосдан етти ўлчаб,
бир кесиб қўйилган пойдевор
албатта мустаҳкам бўлади. Ҳар
қандай тушунмовчиликлар, но-
мутаносибликлар ҳам ўз ечими-
ни топади. Бошимизга Бахт
қуши қўнишини истар эканмиз,
ўша афсонавий қушнинг бир
қаноти — ўзимиз, иккинчи қано-
ти турмуш ўртоғимиз эканини
унутмаслигимиз даркор. Жуфт
қанот бир маромда, ўзаро уй-
ғун ҳолатда ҳаракат қилсагина
парвоз давомли ва юксак бўла-
ди. Хулоса шуки, бахтимиз ўз
қўлимиздадир...

Шаҳноза РОФИЕВА,
«Оила ва жамият» муҳбири.



АНЗУР — Самарқанд,
Сурхондарё, Қашқадарё
вилоятларининг тоғли
худудларида ўсадиган кўп
йиллик ёввойи пиёз «ан-
зур» деб аталади.

**Анзур пиёзининг ши-
фобахш хусусиятлари
жуда кўп.**

Газетадан

АОРТА — биз юракнинг
чап қоринчасидан бошла-
надиган энг катта томир,
шоҳтомир «аорта» деб
аталишини ва бу томир-
дан тарқаладиган арте-
риялар тананинг бутун
аззо ва тўқималарини
кислородга бой қон билан
таъминлашини яхши била-
миз. Хўш, «аорта» сўзи-
нинг туб маъноси қандай
мазмунни англатишини
билишимиз? «Аорта» сўзи
тилимизга юнон тилидан
кириб келган бўлиб, «кўта-
раман» деган маънони
англатар экан.

ҲАМШИРА — тилимиз-
да асосан, «шифохонада
ишловчи, ўрта тиббий маъ-
лумотга эга бўлган ходи-
ма, тиббий ҳамшира» маъ-
носини англатган «хамши-
ра» сўзининг туб маъноси
«бир онани эмган опа-син-
гиллар» деган мазмунни
англатган. Кейинги давр-
ларда бу сўз «сингил» маъ-
носини ифодалаган.

**Тиббий ҳамшира
бўлса керак, оқ ҳалат,
оқ қалпоқли жувон ке-
либ, Муродовани ши-
фохонага таклиф этди.**

Иброҳим Раҳим

ХАСПЎШЛАШ — тили-
мизда кимдир ўзининг
хато ва камчиликларини
яширишини, айбини сез-
дирмасликка ҳаракат
қилишини ёки шунга ури-
нишини «хаспўшлаш» де-
ган сўз билан ифодалай-
миз. Қизиги шундаки, жа-
нубий вилоятларимизда
қадимда усти қуриган хаш-
қаб билан ёпилган вақтин-
чалик тураржой, қапа «хас-
пўши» деб аталган. Уму-
ман, бу сўзнинг туб илди-
зи «хас-хашак билан ёпиш»
деган маънони англатган.

**У кирдикорларини
хаспўш қилишга интилса
ҳам, ўз ифлослигини
одамлардан яширолмади.**

Ойбекнинг «Навоий»
романидан

**Эшқобил ШУКУР
тайёрлади.**

БАХТ ҚУШИ КИМНИНГ ҚўЛИДА?

бошқа яшай олмаймиз деб, ке-
лади. Шунда мен, уларга мана,
шунча йил бирга яшабсиз, фар-
зандлар дунёга келибди. Дунё-
қарашингиз тўғри келмаслиги-
ни энди англаб етдингизми?
Келинг, турмуш ўртоғингизнинг
сизни қониқтирмайдиган томо-
нларини ёзинг, дея қоғоз-
қалам бераман. Улар хотиним
мен хоҳлагандай кийинмайди,
фарзандларимни мен истаган-
дек тарбияламаяпти, доим қули-
б юриши керак каби норозил-
ликларини қоғозга тушириша-
ди. Натижада шу нарса аниқ-
ланадики, 10 та сўровдан фа-
қат икки ё учтаси дунёқарашга
тааллуқли, қолган қисми уму-
мий турмуш тарзига боғлиқ са-
баблар бўлиб чиқади. Мурожат
этаётганларнинг 90-95 фоиз-
ида дунёқарашлар мос кел-
маслигидан эмас, икки томон-
дан бирида характер, инсоний-
лик, ироданинг етишмаслиги-
дан келишмовчиликлар аз бер-
ган. Чунки, дунёқарашининг
тўғри келмаслигини келин-куёв
турмушининг илк ойларида ан-
глаб етишади. Аммо эр хотини-
ни ўзига етказиб олишга ҳара-
кат ҳам қилмайди. Узоқ йиллар
яшагандан сўнг эса, бошқа бир
сабаблар пайдо бўладию,
бирок энди дунёқарашимиз
тўғри келмаяпти, деган баҳо-
на билан ажрашиб кетишади.

Кўни кеча қабулимга ёш бир
келинини онаси ва қайнонаси
бошлаб келишди. Келиннинг
фикрлаш доираси тор, у фақат
ўзи туғилиб тарбия топган
оиласи доирасида фикрлай
олади. Куёв бўлса, кўча кўрган,
тадбиркорлик билан шугулла-
надиган йигит. Бу ҳолатда ёш

қайта тарбиялаётган, ҳатто умр
йўлдошларини ўқитиб, олий
маълумотли қилаётганлари ҳам
бор. Яқинда олтимиз ёшга яқин-
лашган бир онахон мурожаат
этиб: «Мен келин тушириб, не-
варалар кўриб, шунинг англаб ет-
димки, турмуш ўртоғим билан
гаплашадиган умумий мавзуи-
миз йўқ экан, менга ёрдам бер-
сангиз», деб келди. Бу аёлнинг
мана шу ёшда ҳам тўлақонли
оила бўлишга ҳаракат қилаёт-
ганининг ўзи катта жасорат
эмасми? Баъзан ёш эр-хотин-
лар ҳам оилани мустаҳкамлаш
борасида ҳеч қандай чора
кўрмаёқ, яшолмаймиз деган
қарорга келишаётган бир пай-
тда бу ўрнатилган ҳолат-ку!
Чунки оила қураётганда икки
томон ҳам бир умр бирга
бўлиш, қўша қаришни орзу
қилади.

... Лола ўз синфдошига тур-
мушга чиққан, олий маълумот-
ли тилшунос. Лекин танлагани
— Олимжоннинг на хунари, на
қасби бор. Лола кўнгли қўйиб
оила қурган. Ажрашишни хаё-
лига ҳам келтирмайди. Ўйлаб-
ўйлаб, Олимжонни университет-
нинг тарих факультетида
ҳужжат топширтирди. Иمتихон-
лар бошлангунига қадар ухла-
масдан эри билан баб-баравар
тайёрланди. Ҳали у китоб, ҳали
бу тестни кўтариб домларари-
га чопди. Ахир, ўзининг, бола-
ларининг келажаги учун оила
бошлиғи ўқимишли, зиёли
бўлиши керак-ку! Шунча елиб-
юрггани бекорга кетмади.
Олимжон грант асосида ўқишга
кирди. Бошида келиннинг
«Ўғлингиз ўқишга киради», де-
ган гапига напосандларча қара-





Имконият

ТАДБИРКОРЛАРНИНГ ЭНГ ЯҚИН КЎМАКЧИСИ

Юртбошимиз ташаббуси билан кичик бизнес ва хусусий тадбиркорликка кенг йўл очилгач, вилоятларнинг чекка қишлоқларида ҳам минглаб кичик бизнес ва хусусий тадбиркорлик субъектлари очилиб, кўплаб янги ишчи ўринлари яратилди.

Ургут туманидаги "Ҳасан-Зулайхо-Хусан" хусусий корхонаси беш йилдирки, туманда рўйхатдан ўтган уч юздан зиёд кичик бизнес ва хусусий тадбиркорлик субъектлари, фермер хўжаликларидан қарийб юздан зиёдининг ҳисоб-китоб ишлари, солиққа тортиш, режалаштириш, молиявий хўжалик фаолияти билан боғлиқ масалалари юзасидан консалтинг хизмати кўрсатиб келмоқда.

Бугунги кунда мазкур корхонага мурожаат этувчиларнинг кети узилмайди. Жамоада ишлаётган ўн нафарга яқин салоҳиятли иқтисодчи ва бухгалтерларнинг ўз вазифасини мукамал билиши, мижозларнинг талаб ва истакларини ўз вақтида бажариши тахсинга лойиқ.

— Туманимизда кичик бизнес ва хусусий тадбиркорлик фаолияти билан шуғулланаётган корхона вакиллари айримлари ҳисоб-китоб ишларини пухта билишмайди, — дейди **корхона раҳбари Нодира САТТОРОВА**. — Ваҳоланки, бу борада тўлиқ маълумотга эга бўлмай туриб, йиллик бизнес режа, ҳисоб-китоб ишларини юритиш, солиқ идорасига ҳисобот тақдим этиш анча мушкул. Шунинг учун баъзи солиқ идоралари хусусий тадбиркорлар ўз ҳисоботларини муддатда топшира олмаётганликларидан нолишади. Ана шундай пайтда биз уларга кўмакка келамиз.

Дарҳақиқат, Самарқанд вилоятида соҳада қалдирғочлардан бири — "Ҳасан-Зулайхо-Хусан" хусусий корхонаси бугунги кунда тадбиркорларнинг яқин ҳамкорига айланган. Корхонанинг ягона, соддалаштирилган солиқ тизимида фаолият юритиши ва бюджетдан ташқари орттирилган маблағлари уни ривожлантириш, маҳалла ободончилиги, кам таъминланган, ёлғиз oilаларга моддий кўмак бериш каби савобли ишларга ҳам йўналтирилмоқда. Мижозларга сифатли хизмат кўрсатиш мақсадида замонавий компьютерлар келтирилди. Тумандаги иқтисодиёт ва агросаноат коллежлари билан ҳамкорлик шартномалари асосида мазкур корхонада ўқувчиларнинг амалиёт ўташлари ташкил этилган. Ҳудуддаги кам таъминланган oilалар фарзандларига бепул компьютер сабоқлари берилмоқда. Шунингдек, корхона жамоаси "Навбоғ" маҳалласининг ободлиги ва турли байрам тадбирларига ҳам бош-қош бўлмоқда.

Мазкур корхона раҳбари Нодира Сатторова 1987 йилда Самарқанд қишлоқ хўжалик институтининг иқтисод йўналишини тамомлаб, тажрибали устозлари Ўлмас Ҳайдаров, Гиёсиддин Саидовлардан ҳисоб-китоб ишларини, аниқ режалаштириш йўллари мукамал ўрганди.

— Ҳисоб-китоб ишлари ўзига хос бўлиб, бу тинимсиз излашни, ўрганишни, янги чиққан фармон ва қарорлардан доимо хабардор бўлиб боришни талаб этади, — дейди суҳбатдошимиз.

Нодира опанинг турмуш ўртоғи ҳам тадбиркор. Фарзандлари Умиджон ва Ситорахонлар тумандаги иқтисодиёт коллежини тамомлаб, oilалари билан бирга ишлашмоқда. Бекжон, Ҳасан-Хусан ва Зулайхонлар эса ҳали мактаб ўқувчилари. Кенжа қизи Зулайхо 4-синфда ўқиётган бўлса-да, лекин келгусида онасидек иқтисодчи бўлишни мақсад қилиб қўйган.

Мижозларга намунали хизмат кўрсатаётган, қолаверса, маҳалла аҳлидан ўзининг беминнат ёрдамини аямаётган, миллий қадриятларимизни, меҳр-оқибат тушунчаларини эъзозлаб келаётган мазкур корхона жамоаси Мустаҳкам oilа йилида ҳам қатор хайрли ишларга бош-қош бўлишмоқда.

Хошим ОРЗИКУЛОВ,
"Оила ва жамият" муҳбири.
Самарқанд вилояти.

Реклама ўрнида.

АЁЛ КЎНГЛИ

Тақдир экан-да. Болалари пойтахтда, онаси туманда, ўзи эса вилоят марказида яшайди. Уйда кўним тополмай қолган. "Болаларим нима бўлди? Кичкинаман институтдан қайтганда бўм-бўш қозон, совуқ чой, йиғиштирилмаган дастурхон кутади. Ўзим ёнида бўлсам оғзига бир иссиқ тутардим -да." Тонг отмас чоғданок йўлга отланади. Қизларини кўргачгина, бироз хотиржам тортади: ранг-лари бинойидай, қозонида овқати ҳам бор. Учовгинаси овқат қилиб ейишгандир-да. Хотиржам тортади-ю, лекин шў захоти... "Онам ҳам омонат. Салкам тўксонни қоралаб қолдилар. Невараларининг ҳаммагирини ўғил. Келин ҳам ишли. Эрта кетиб, кеч келади. Кўз тикиб ўтиргандилар йўлимга..."

Аёл кутган тонг отмас чоғли бўлиб кетаверади.

МАСЛАҲАТ

У бир умр маслаҳат сўраб яшади. Ҳаммадан сўради. Аввалига чиндан муҳтож деб ўйлаб маслаҳатларини аямидилар. Сўнгга беминнат маслаҳатларидан баҳс, мунозара, ҳатто тортишув эсаб олаётганини кўрганлар бу ишни бас қилишди. "Ўзинг билар экансан, нега сўрайганини" дегандек.

Энди уни билганлар осмондан тушгандек берилган саволларига елка қисиб қўйишди. Билмаганлар эса... охири хайрли тугамайдиган беминнат маслаҳатлари учун баалога гирифтор бўлишларини ҳали сезишмайди. Энг ёмони эса унинг умри ана шу савол-жавоблар аро соврилиб кетарди...

Дилроз АБРАЕВА

ҲАР ДАРДНИНГ ДАВОСИ БОР

Ҳар дарднинг давоси бор
Бутун дунё аҳлини хавотирга солиб турган хасталиклардан бири ўсма касаллиги (онкологик) охир-оқибат айрим кишиларнинг ҳаётига зомин бўлаётгани сир эмас. Лекин ҳар қандай дарднинг ҳам давоси борлиги ҳақиқат. Шундай экан, энг аввало, ҳар қандай одам бемор бўлмасдан бурун ўз вақтида шифокор кўригидан ўтиб турса нур устига аъло нур.

Бугунги кунда ўсма касалликларини даволаш, олдини олиш имкониятлари йил сайин кенгайиб бормоқда. Бунинг учун биринчи навбатда профилактик кўриклар жуда катта наф беришини биз ўз тажрибамизда кўраямиз. Бу борада фаолият кўрсатиш саломатлик гарови эканлигини унутмайлик.

Хўш, бу хасталикларнинг илк белгилари нималардан иборат, деган ҳақли савол тугилади. Инсоннинг умумий ҳолсизланиши, сабабсиз озиб кетиш, кўнгил айнаши, қайт қилиш, ички аъзолардан қон кетиши, нафас олиш ва чиқаришнинг қийинлашуви, овознинг ўзгариши ўсма касалликларига хос бўлган ҳолатлар бўлиб, бундай пайтда зудлик билан малакали тиббий текширув зарур. Маълумки, эндоскопик текширувлар саломатлик учун деярли безарар усул бўлиб, бу ҳар қандай ўсма хасталикларини зудлик билан аниқлашга ёрдам беради. Айниқса, бу меъда ичак, нафас ва қулоқ-бурун йўллари ўсма касалликларини самарали даволашда қўл келмоқда.

Бу борада бизнинг Тошкент вилоят ўсма касалликлари диспансери қабул-диагностика бўлимининг малакали шифокор мутахассислари сизга яқиндан кўмак беришга тайёр. Замонавий тиббий ускуналар билан жиҳозланган диспансерда текширув диагностика хизматларидан ташқари ўсма олди касалликларини ва шу каби дардларни замонавий усулларда самарали даволаш муолажалари ҳам олиб бориляпти.

Мухтарам юртдошлар! Хасталикка чалинмасдан аввал ҳар қандай бойлиқдан-да азизроқ бўлган сийҳат-саломатлигингиз ҳақида ҳозирданок ҳижолинг, кейин пушаймон чекманг!

Асадулла АБДИҲАКИМОВ,
Тошкент вилоят ўсма касалликлар диспансери шифокори.

Соғлиғимиз — бойлиғимиз

Простатит — простата безининг яллиғланиши эркаклар орасида энг кўп тарқалган урологик касалликлардан бири ҳисобланади. Унинг келиб чиқишига асосий сабаб простата безига инфекция тушуши билан белгиланади. Инфекция эса сийдик пуфағи орқали, сийдик йўллари, тўғри ичак, қон ва лимфа томирлари орқали тушуши мумкин.

Лекин фақатгина вирус тушуши касалликнинг ҳамма белгиларини намоён қила олмайди. Мойиллик қилувчи факторлардан бири организмнинг совуқ қотиши билан изоҳланади. Шунингдек, доимий ўтириб ишлаш, қабзият, узок вақт жинсий муносабатдан сакланиш, аъзолардаги сурункали, ўтказилган урологик ва венерик касалликлар ҳам сабаб бўлиши мумкин. Бу каби жараёнлар простата безида қон айланишининг бузилишига олиб келиш билан бирга, микробни безнинг ичига кириб келишини оsonлаштиради. Бу ҳолат микробни простата бези тўқимасида қўлайиши ва яллиғланишига олиб келади.

Касаллик ўткир ва сурункали простатит кўринишида намоён бўлади. Ўткир простатитда тана ҳароратининг кўтарилиши, қот ораллиги, чов, қовуқ устидagi оғриқлар ва қийинчилик билан сийиш кўринишида бўлади. Лекин кўпинча простатит сурункали кўринишида беморни безовта қилмаган ҳолда ҳам бошланади. Унинг аломатлари жуда кўп, бироқ илк белгиларини ўз вақтида илғаш қийин. Асосий белгилардан бири оғриқ ҳисси бўлиб, кўпинча у бемор тинч, осойишта бўлган

пайтда пайдо бўлади. Оғриқ асосан мойкаларда, қовуқ устида ва белда бўлади. Кўпгина ҳолларда простатит радикулит билан аралаш кечганлиги сабабли белдаги оғриқнинг кетиши анча мушкулдир. Агар яллиғланиш жараёни кўшни аъзолар, уруғ дўмбоқчаси ёхуд пешоб чиқарув каналига ўтса, сийининг оғриқли кечиши ҳам кузатилади.

Гоҳо жинсий қўзғалиш ва уруғ чиқиш пайтида ҳам оғриқ ҳисси кузатилади.

Энг кўп учрайдиган асосий белгиларидан яна бири пешоб чиқариш жараёнидаги патологик ўзгаришдир. Беморларда тез-тез ва бироз қийнабироқ пешоб отилиб чиқишидаги шиддатнинг сусайиши ҳамда нимадир томчиллагандек ҳолат кузатилади. Касалликнинг умумий белгиларидан бири, жиз-закилик, уйқунинг бузилиши, беҳолиқ, иш қобилиятининг пасайиши, чанқаш, оғиз қуриши шулар сирасига киради.

Вақт ўтиши билан беморларда жинсий қувват сусайиши кузатила бошлайди. Шунинг хисобига асаб билан боғлиқ шикоятлар ҳам кўпаяди. Сурункали простатит қайта-қайта кузатилганда простата безидаги яллиғланиш жараёнлари авжи-га чиқади. Шунинг хисобига бу касалликнинг асоратлари кўпаяди. Кўпинча бу асоратлар уруғ пуфағининг яллиғланиши (везикулит), мойка ва мойак орғининг яллиғланиши (орхоэпидидимит) кўринишида намоён бўлади. Охири оқибатда бу каби салбий асоратлар жинсий озоилик ва эркаклик бепуштлигига олиб келиши ҳам мумкин.

Баҳодир РАҲМАТУЛЛАЕВ,
1-Тошкент шаҳар клиник шифохонаси урология бўлими врачси, тиббиёт фанлари номзоди.

РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ўқув маркази

қуйидаги ўқув курсларига тақлиф этади:

Тижувчилик — 3 ой, бошловчилар — 6 ой.	Элита парда ва чойшаблар тиқиш — 1 ой, Элита парда ва чойшаблар тиқиш олий курси — 1 ой.
Тўй ва оқшом либослари — 1-2 ой.	Сартарошлик — 2-3 ой (ўғил болалар учун).
Аёллар костюм-шимми, плаш-пальто — 1-2 ой.	Каштачилик — 3 ой (машинада вышивка).
Ҳамшира — 6 ой. 4 ойи ўқшш, 2 ойи амалиёт.	Тўқувчилик — 2-3 ой.
Ҳамшира (тезкор) — 3-4 ой (амалиёт билан).	Инглиз тили — 3 ой.
Тиббий массаж — 2 ой. Нугтали — 1 ой.	Рус тили — 3 ой.
Торт ва пишириқлар — 2 ой.	Бисер, яъни муноққ тиқиш — 2 ой.
Пишириқлар олий курси — 1 ой.	Сунъий гул ясаш — 1-2 ой.
Уйғур, Европа таом ва салатлари — 1 ой.	Компьютер сабоқлари — 2 ой.
Аёллар сартарошлиғи — 3 ой.	Интернет — 1 ой.
Тўй ва оқшом турмаклари ва макияж — 1 ой.	
Бухгалтерия ҳисоби — 3 ой.	

Ўқини тугатганларга ДИПЛОМ берилади.

МАНЗИЛ: Юнусобод тумани 3-мавзе 1-уй 31-хона.

МУЛЖАЛ: Юнусобод дехон бозори орқасида.

Тел: (8 371) 221-17-95, 221-77-72, 225-97-93 (18⁰⁰ дан 22⁰⁰ гача).

ФИЛИАЛ МАНЗИЛИ: Ҳамза тумани Фарғона йўли қўчаси 4-уй 40-хона. МУЛЖАЛ: Қўйлик кийим бозори рўпарасида.

ТЕЛ: (8371) 295-97-82, +99897 785-90-30 (кундузи)

(Давоми. Боши 1-бетда)

Фуқароларни пойтахтимиз ва пойтахт вилоятига доимий прописка қилиш Ўзбекистон Республикасининг «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг Рўйхат тўғрисида»ги Қонуни иловасидаги Рўйхатга мувофиқ амалга оширилади.

Шуни таъкидлаш зарурки, Рўйхатда назарда тутилмаган шахслар тоифаси, шунингдек, унинг 3, 5, 9—12 бандларига мувофиқ Тошкент шаҳри ва Тошкент вилоятида доимий прописка қилинган фуқароларнинг қариндошлари Тошкент шаҳрида ва Тошкент вилоятида доимий прописка қилинмайд.

Муқаддам Тошкент шаҳри ва Тошкент вилояти ҳокимликлари ҳузуридаги махсус комиссиялар томонидан берилган рухсатномалар асосида 2012 йил 15 мартга қадар уй-жой олган, бироқ турли сабабларга кўра прописка қилинмаган фуқаролар Рўйхатнинг 1-бандига асосан доимий прописка қилинади.

Қонун кучга киргунга қадар, яъни 2011 йил 15 сентябрга олд-сотди, ҳаёда, айирбошлаш шартномалари асосида, қонун ҳужжатларига мувофиқ мерос ва хусусийлаштириш асосида, суд қарорига кўра, шунингдек, мазкур Ўйроқномага мувофиқ уй-жой олган фуқаролар Рўйхатнинг 1-бандига асосан прописка қилинади.

Рўйхатнинг 1-банди асосида Тошкент шаҳри ва Тошкент вилоятида доимий прописка қилинган фуқароларнинг қариндошлари рўйхатнинг 2—5-бандлари асосида прописка қилинади.

Қариндошлар — ўзларининг тўғри шажара бўйича биринчи ва иккинчи даражадаги қариндошлари доимий прописка қилинган уй-жой майдонида прописка қилинади.

Тўғри шажара бўйича биринчи ва иккинчи даражадаги қариндошлар, яъни ота-она фарзандларининг, фарзандлар ота-оналарининг, бобо ва бувалар невараларининг, неваралар бобо ва буваларининг уй-жой майдонида прописка қилинади. Улар белгиланган тартибдаги ҳужжатларни тақдим этилади.

Вояга етмаган шахсининг хусусий мулки бўлган уй-жой майдонида унинг қариндошларини доимий прописка қилиш унинг ота-онасининг ёки васийининг (ҳомийнинг) нотариал тасдиқланган розилиги асосида ҳал этилади.

Васийлик ва ҳомийликдаги шахслар — васий (ҳомий) доимий прописка қилинган уй-жой майдонида доимий прописка қилинади.

Васийлик ва ҳомийликдаги шахсининг васийси (ҳомийси) бўлган фуқаро ҳам белгиланган тартибдаги ҳужжатларни тақдим этилади.

Шу ўринда васийлик ва ҳомийлик Вазирлар Маҳкамасининг 1999 йил 12 апрелдаги қарорига биноан туман ёки шаҳар ҳокимининг қарори билан белгиланиши эълантиб ўтиш жоиз. Васийлик ва ҳомийлик васий ёки ҳомий тайинланишига муҳтож бўлган шахс яшаётган жойда, агар шахсининг муайян яшаш жойи бўлмаса, васий ёки ҳомий яшаётган жойда белгиланади.

Ўзбекистон Республикаси Фуқаролик кодексига мувофиқ васийлик ўн тўрт ёшга тўлмаган вояга етмаганларга ҳамда суд томонидан муомалага лаёқатсиз деб топилган фуқароларга белгиланади.

Ҳомийлик ўн тўрт ёшдан ўн саккиз ёшга бўлган вояга етмаганларга ҳамда суд томонидан муомала лаёқати чекланган деб топилган фуқароларга белгиланади.

Қонунга мувофиқ Тошкент шаҳри ва Тошкент вилоятида доимий прописка қилинган васийликдаги (ҳомийликдаги) фуқароларнинг қариндошлари Тошкент шаҳри ва Тошкент вилоятида доимий прописка қилинмайд.

Васийликдаги (ҳомийликдаги) фуқаролар Ўзбекистон Республикасининг бошқа минтақасида истикомат қиладиган фуқаролар билан никоҳдан ўтган ҳолларда, ушбу фуқароларнинг Тошкент шаҳри ва Тошкент вилоятида доимий прописка қилиниши Рўйхатнинг 5-бандига мувофиқ ҳал этилади.

Ота-онаси бўлмаган, вояга етмаган туғилган ака-ука ва опа-сингиллар, шунингдек меҳнатга қобилиятсиз бўлган ҳамда ўз оиласи (эри (хотини) ва фарзандлари) бўлмаган вояга етган туғилган ака-ука ва опа-сингиллар — ўзларининг туғилган ака-ука ёки опа-сингиллари доимий пропис-

ка қилинган уй-жой майдонида прописка қилинади.

Фуқаролардан мазкур Ўйроқноманинг 2-илловасига мувофиқ шаклда унинг оиласи (эри (хотини), ота-онаси, шунингдек фарзандлари йўқлиги тўғрисида) тилхат олинади.

Эр (хотин) — хотини (эри) доимий прописка қилинган уй-жой майдонида, башарти камида бир йил биргаликда яшаётган бўлса, доимий прописка қилиниши белгиланган.

Фуқаролар белгиланган тартибдаги ҳужжатларга илова тарзда эр-хотиннинг ҳақиқатда бирга яшаётган жойи бўйича фуқароларнинг ўзини ўзи бошқариш органи раиси (оқсоқоли) томонидан ва ҳудуд профилактика инспектори томонидан имзоланган эр-хотиннинг камида бир йил биргаликда яшаётганлиги тўғрисида мазкур Ўйроқноманинг 3-илловасига мувофиқ маълумотнома тақдим этилади.

Никоҳи хорижий давлатда қайд этилган фуқаролар Консул томонидан ҳужжатларни қонунлаштириш тўғрисида Ўйроқнома талаблари асосида қонунлаштирилган ёки Хорижий расмий ҳужжатларни ле-

ДОИМИЙ ПРОПИСКА ҚИЛИШ БОШЛАНДИ

галлаштириш талабини бекор қилувчи Конвенция талабларига мувофиқ апостиль белгиси қўйилган никоҳ тузилганлиги тўғрисидаги гувоҳномани тақдим этиди. «Фуқаролик, оилавий ва жиноий ишлар бўйича ҳуқуқий ёрдам ва ҳуқуқий муносабатлар тўғрисида»ги Конвенцияга аъзо давлатларда никоҳ қайд этилган фуқаролар ушбу давлатлар қонунчилиги талаблари асосида тасдиқланган никоҳ тузилганлиги тўғрисида гувоҳнома тақдим этишлари мумкин.

Тошкент шаҳрида доимий пропискага эга бўлган фуқаролар — улар Тошкент шаҳри ёки Тошкент вилоятида бошқа манзил бўйича доимий прописка қилиниш масаласи юзасидан мурожаат этган тақдирда, доимий прописка қилинади.

Тошкент вилоятида доимий пропискага эга бўлган фуқаролар — улар Тошкент вилоятида бошқа манзил бўйича доимий прописка қилиниш масаласи юзасидан мурожаат этган тақдирда, доимий прописка қилинади.

Илгари Тошкент шаҳри ва Тошкент вилоятида доимий прописка қилинган фуқаролар — ўқишни, ишни, узоқ муддатли хизмат сафарини тутатганидан, шунингдек, озодликдан маҳрум этиш муассасаларидан озод этилганидан кейин доимий яшаш учун Тошкент шаҳрига ва Тошкент вилоятига қайтиб келганида доимий прописка қилинади.

Рўйхатнинг 8-бандига қирадиган фуқаролар Тошкент шаҳри ёки Тошкент вилоятида турар жойга, доимий пропискага эга бўлмаган ҳолда ички ишлар идоралари томонидан расмий алоқа йўллари орқали тегишли давлат нотариал идорасига юбориладиган мазкур Ўйроқноманинг 4-илловасига мувофиқ шаклдаги доимий прописка қилиш ҳуқуқи тўғрисидаги маълумотнома асосида турар жой сотиб олиш ҳуқуқига эга. Бу фуқаролар турар жой сотиб олгандан кейин мазкур Ўйроқноманинг 11-бандида кўрсатилган ҳужжатларни тақдим этиди, бундан уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги) мустасно.

Ўзбекистон Республикаси Олий Мажлисининг палаталари, Ўзбекистон Республикаси Президенти, Ўзбекистон Республикаси Вазирлар Маҳкамаси томонидан ёҳуд Ўзбекистон Республикаси Президенти билан келишилган ҳолда лавозимларга сайланган, тайинланган, тасдиқланган фуқаролар, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) — мазкур фуқаролар лавозимда турадиган даврга доимий прописка қилинади. Улар белгиланган тартибдаги ҳужжатлар билан бирга Ўзбекистон Республикаси Олий Мажлисининг палаталари, Ўзбекистон Республикаси Президенти, Ўзбекистон Республикаси Вазирлар Маҳкамаси томонидан ёҳуд Ўзбекистон Республикаси Президенти билан келишилган ҳолда лавозимларга сайлаш, тайинлаш, тасдиқлаш тўғрисидаги ҳужжатларнинг кадрлар бўлими томонидан тасдиқланган нусхасини

тақдим этиладилар.

Қонун ҳужжатларига мувофиқ давлат ҳокимиятининг вакиллик органларига сайланган фуқаролар, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) — мазкур фуқаролар лавозимда турадиган даврга доимий прописка қилинади.

Давлат ҳокимияти, давлат ва ҳўжалик бошқаруви органларига, республика аҳамиятига молик бошқа давлат ташкилотларига ишга тақлиф этилаётган юқори малакали мутахассислар, тор ихтисосликдаги мутахассислар тегишли орган ёки ташкилот раҳбарининг илтимосномасига кўра, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) — мазкур фуқаролар лавозимда турадиган даврга доимий прописка қилинаётганда зарур ҳужжатлар билан бирга давлат ҳокимияти органи, давлат ва ҳўжалик бошқаруви органи, республика аҳамиятига молик бошқа давлат ташкилоти раҳбарининг мазкур Ўйроқноманинг 6-илловасига мувофиқ шаклда ишга тақлиф этилаётган фу-

қаронинг (юқори малакали мутахассис ёки тор ихтисосликдаги мутахассис) ишончилиги қаролати билан биргаликда илтимосномаси, шунингдек лавозимга тайинлаш тўғрисида бўйруқдан кўчирма ҳам топширилиши шарт. Бунда мазкур Ўйроқнома мақсадлари учун республика аҳамиятига молик давлат ташкилотлари деганда уларни ташкил этиш, қайта ташкил этиш ва тугатиш масалалари қонун ҳужжатлари, Ўзбекистон Республикаси Президенти ва Ўзбекистон Республикаси Вазирлар Маҳкамасининг ҳужжатлари билан тартибга солинадиган давлат ташкилотлари тушунилади;

Ўзбекистон Республикаси Президентининг 2007 йил 14 сентябрдаги ПК-694-сонли Қарори билан тасдиқланган Ўзбекистон Республикаси Қуролли Кучларининг ҳарбий хизматчиларини уй-жой билан таъминлаш тартиби тўғрисидаги низомга мувофиқ уй-жой билан таъминланган ҳарбий хизматчилар, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) доимий прописка қилинади.

Давлат ҳокимияти органлари, давлат ва ҳўжалик бошқаруви органлари, республика аҳамиятига молик бошқа давлат ташкилотлари раҳбарлари илтимосномаси асосида Тошкент шаҳри ёки Тошкент вилоятида пропискага эга бўлган фуқаро ишдан озод қилинган, бошқа ишга ўтган ёки пенсияга чиққан тақдирда, қарор қабул қилингандан кейин икки кун муддатда фуқаронинг охириги доимий прописадан ўтган жойдаги туман, шаҳар ИИБ ХҲК ва ФРБга хабар берилади.

Давлат ҳокимияти, давлат ва ҳўжалик бошқаруви органлари, республика аҳамиятига молик бошқа давлат ташкилотлари раҳбарлари билдиришномаси асосида туман, шаҳар ИИБ ХҲК ва ФРБ, агар ушбу фуқарода доимий прописка учун бошқа асослар мавжуд бўлмаса, фуқарони белгиланган тартибда Тошкент шаҳри ва Тошкент вилоятидан илгариги яшаш жойига ёки фуқаронинг аризасига кўра бошқа минтақага прописадан чиқаради. Фуқаро Тошкент шаҳри ва Тошкент вилоятидан прописадан чиқишдан бош торган тақдирда доимий прописка мазкур Ўйроқноманинг 7-илловасига мувофиқ туман, шаҳар ИИБ бошлиғи томонидан тасдиқланган ҳулоса асосида бекор қилинади.

Тошкент шаҳрида олд-сотди битимларини, айирбошлаш, рента, умрбод таъминлаш шарти билан ўзгага бериш ва ҳаёда қилишни нотариал тасдиқлаш ва давлат рўйхатидан ўтказиш агар сотиб олувчи томон Тошкент шаҳрида доимий пропискага эга бўлса, шунингдек Тошкент шаҳри ҳудудида камида уч йил доимий яшаб турган (лавозимда бўлган), рўйхатнинг 2, 5, 9—11-бандларига мувофиқ Тошкент шаҳрида доимий прописка қилинган жисмоний шахс ҳисобланса ва ички ишлар идорасининг доимий прописаси борлиги тўғрисидаги маълумотномасини тақдим этганда амалга оширилади.

Тошкент вилоятида олд-сотди битимларини, айирбошлаш, рента, умрбод таъ-

минлаш шарти билан ўзгага бериш ва ҳаёда қилишни нотариал тасдиқлаш ва давлат рўйхатидан ўтказиш учун сотиб олувчи томон Тошкент шаҳрида ёки Тошкент вилоятида доимий пропискага эга бўлган бўлса, Тошкент шаҳри ёки Тошкент вилояти ҳудудида камида уч йил доимий яшаб турган (лавозимда бўлган), Рўйхатнинг 2, 5, 9—11-бандларига мувофиқ Тошкент шаҳрида ёки Тошкент вилоятида доимий прописка қилинган жисмоний шахс ҳисобланса ва ички ишлар идорасининг доимий прописаси борлиги тўғрисидаги маълумотномасини тақдим этиши лозим.

Тошкент шаҳри ёки Тошкент вилоятида доимий прописка қилинган фуқаролар доимий прописка қилинган кундан бошлаб уч йил ўтгандан кейин турар жой сотиб олган тақдирда, улар ва улар билан бирга Рўйхатнинг 5, 9, 10 ва 11-бандларига мувофиқ Тошкент шаҳри ёки Тошкент вилоятида доимий прописка қилинган фуқаролар ушбу турар жойга Рўйхатнинг 1-банди бўйича доимий прописка қилинади.

«Умумий ҳарбий мажбурият ва ҳарбий хизмат тўғрисида»ги Ўзбекистон Республикаси Қонунининг 45-моддасига кўра ҳарбий хизматга мажбурлар ва чақирилувчиларнинг ҳарбий-ҳисоб ҳужжатларида улар ҳарбий рўйхатга олинганлиги ёки ундан чиқарилганлиги тўғрисида мудофаа ишлари органларининг белгиси бўлган тақдирдагина уларни турар жойлари бўйича қайд этиш ва рўйхатдан чиқариш амалга оширилади.

Тошкент шаҳрида ва Тошкент вилоятида доимий истикомат қилган ва Ўзбекистон Республикасининг бошқа минтақаларига ёки хорижга чиқиб кетган фуқаролар, турли сабабларга кўра кетган жойлари бўйича прописка қилинмаган ҳамда бир йил ичида Ўзбекистон Республикаси Ички ишлар вазирлиги томонидан белгиланган шаклдаги жўнаб кетиш ваъдаси билан қайтиб келган тақдирда, Тошкент шаҳрида ва Тошкент вилоятида умумий асосларда доимий прописка қилинади.

Тошкент шаҳрида ва Тошкент вилоятида доимий пропискага эга бўлмаган фуқароларнинг яшashi учун турар жой майдони тақдим этидиган уй-жой мулкдорлари турар жой майдони берилган кундан бошлаб беш кун мобайнида ушбу шахслар тўғрисида ички ишлар идорасини хабардор қилиши шарт.

Доимий прописка қилинган фуқаронинг паспортига бир вақтининг ўзида прописка штампи санаси кўрсатилган ҳолда уй дафтарига ёки хонадон карточасига ҳамда фуқаронинг аризасига қўйилади ва пропискани расмийлаштирган ходим томонидан имзоланади. Доимий пропискани бўлган фуқароларнинг паспортига, шунингдек Рўйхатнинг 1, 4, 6, 7 ва 8-бандларига мувофиқ Тошкент шаҳри ва Тошкент вилоятида доимий прописка қилинган фуқаролар паспортига Ўйроқноманинг 8-илловасига мувофиқ штамп қўйилади. Рўйхатнинг 2, 3, 5, 9—12-бандларига мувофиқ Тошкент шаҳри ва Тошкент вилоятида доимий прописка қилинган фуқаролар паспортига эса Ўйроқноманинг 9-илловасига мувофиқ штамп қўйилади.

Шу ўринда фуқароларни Тошкент шаҳри ва Тошкент вилоятида доимий прописка қилинишида ҳозир аввалгилардан анча қулайликлар яратилганини ҳам айтиб ўтиш жоиз. Ҳозиргача фуқароларни прописка қилиш учун зарур ҳужжатлар туман ИИБ-да йиғилиб, тасдиқлаш ва рухсат олиш учун Тошкент шаҳар ва вилоят ҳокимлигига тақдим қилинарди. Ҳужжатлар камида икки-уч ой ичида ҳокимликларда тузилган комиссия томонидан кўриб чиқиларди. Энди фуқароларни доимий рўйхатга қўйиш Тошкент шаҳрида туманлар ИИБ, Тошкент вилоятида эса туман ва шаҳар ИИБлари томонидан амалга оширилади. Зарур ҳужжатлар топширилгандан кейин уч иш кунида ҳал этилиши кўзда тутилган.

Қўпчиликини қизиктираётган бу масала юзасидан барча ишлар кўп йиллик тажрибалар, фуқароларнинг талаблари, истак ва тақлифларидан келиб чиқиб, амалдаги қонун ва қоидаларга биноан амалга ошириллапти. Унинг замирида Тошкент шаҳри ва Тошкент вилоятида прописка қилинишини қатъий тартибга солиш, фуқароларимизнинг турли овозгарчиликларига йўл қўймаслик, ички ишлар идораларининг прописка бўйича вазифасини енгиллаштириш каби мақсадлар ётибди.

ИИБ МАТБООТ ХИЗМАТИ



ТЕРМО-ЛИБОС

Тасаввур қилинг-а, боланинг иситмаси чиқса, унинг кийими ўз рангини ўзгартиради.

Ҳа, бундан икки йил муқаддам шундай кийим ихтиро қилинган. Буюк Британия қироллигида яшовчи икки ойлик қизалоқнинг отаси Крис



Эбежер (Chris Ebejer) боланинг исиги ошганда ўз рангини ўзгартирадиган кийим яратди.

Бу ажойиб гоё Эбежерга гўдаклар парвариши ҳақидаги ажойиб ҳужжатли фильми кўрганидан сўнг келганди. Ва у тезда олимларни иссиқликка таъсирчан молекулаларга эга бўлган сиёҳ яратишга чақирди. Бу ранг-бўёқ 100 фоиз пахталик материалга яхши сингиб, жойлашиши ҳам муҳим эди.

Шундай қилиб, 42 ёшли ихтирочи куюнчақ ота антика лойиҳасини амалга ошириш учун умрининг олти йилини ҳамда 700 минг фунт (1,13 миллион доллар) маблағини сарфлади. Хайрли мақсади амалга ошгач эса, Эбежер либос ишлаб чиқаришда етакчи бўлган компаниялардан бири билан 12,5 миллион фунт (20,3 миллион доллар)лик шартномани имзолади.

Болалар кийимлари кўпича пушти, мовий ва оч яшил рангларида ишлаб чиқарилади. Янги ихтиро натижасида уларнинг ранглари тана ҳарорати 37 даражадан ошганда оқ рангга қиради. Табиийки, чақалоқ иситмаси чиқаётгани, ўзини ёмон ҳис қилаётгани ҳақида ота-онасини огоҳлантира олмайди. Ёш болаларнинг иссиғи кўтарилиб кетишига қарши ўз вақтида чора кўрилмаса, кўпгина хатарли касалликлар, масалан, менингит каби хасталик билан оғришлари олиб келиши мумкин. Шунинг учун бу либосларнинг афзаллик томонлари жуда кўп.

"Babyglow" деб аталувчи бундай кийимлар тез орада оммалашиб кетди ва уни ишлаб чиқарувчи компания эндиликда худди шу хусусиятга эга бўлган одеяллар ишлаб чиқариши ҳам режалаштиришган.

Наргиза СИДДИҚОВА
тайёрлади.

УМИДЛИ ДУНЁ

Турмушга чиқаётганимда бахтли-содатли бўлишни орзу қилгандим. Қайнотам узокроқ қариндошимиз эди. Дастлаб таниш-билишлар ҳавас қилгулик даражада бинойидек яшадик. Бефарзандлик туфайли қайнакам хотинидан ажрашгач, қайнонам менинг кўзимни очирмай қўйди. Чунки аввалги овсиним қайнонамнинг қариндоши эди. Қайнотамга тап тортмай "Нима, сизнинг қариндошингиз бу ҳовли-жойнинг эгаси бўлиб, кексайганимда унинг қовоғига қараб ўтирамани", деб йўқ жойдан жанжал чиқарарди. Қўлимда 6 ойлик қизчам билан отамникига қайтиб келдим. Орадан бир йил ўтгач, Маҳмуд онасининг инсофга келганини қайта-қайта таъкидлаб, мени қайтариб олиб кетди.

Иккинчи қизим туғилди. Барибир қайнонамнинг феъли ўзгармади. Энди менга тухмат қилиш йўлига ўтиб олди. Ота-онам ҳам қайнонамнинг қилмишларидан хабар топиб, устига-устак, эримнинг ёлғон гапларга ишониб, мени аямай қалтаклаганини кўриб, икки қизим билан яна қайтариб олиб кетишди. Сўнг қонуний ажрашдик. Ҳамшира бўлиб ишлардим. Ота-онамга, акамнинг оиласига оғирим тушмасин, деб вақт топдим дегунча тиқиш-бичиш билан ҳам шуғулланардим. Бола-да, қизларим акамнинг фарзандлари билан тез-тез жанжаллашиб қоларди. Бир куни келинойим болаларини олиб аразлаб ота-онасиникига кетиб қолди. Акамга "Ё мени ва болаларингизни дейсиз ёки синглингизнинг етимчаларини", деб шарт қўйибди. Келинойимнинг гапига аччиқ қилиб, алам билан сўраб-суриштирмай Турғун исмли кишига турмушга чиқдим. Бургага аччиқ қилиб, кўрпага ўт қўйганимни кеч билдим. Турғун бефарзанд эди, қизларимнинг бошини сийлайди, дебман. Тўғри, ёмон гапи йўқ эди. Лекин ниҳоятда тепса-тебранмас, ишқмас экан. Ётиб еганга то ҳам чидамас, деб беҳиз айтилмаган. Отасидан қолган ҳовли-жойни сотиб, чоғроқ уй олиб яшаётган экан. Икки қизимга қўшиб даңгаса эрни ҳам боқиб гарданимга тушди. Энди аввалгидан ўн қарра кўпроқ ишлаб бошладим. Аҳволимга акамнинг раҳми келди. "Ҳовли-жой сотиб олдим, болаларингиз олиб ота-онам билан яшагин", деди. Елкамдан тоғ ағдарилгандай дарров рози бўлдим. Ахир кейинги пайтларда оғир меҳнатни соғилганим ҳам кўтармай қолганди. Турғун билан ҳам ажрашишга мажбур бўлдим. Ҳозирги кунда катта қизим коллежда, кичиги мактабда ўқияпти. Соғлигим тикланиб, ҳаётим изга тушди. Гоҳида қизларимни эгасига топширгач, хайхотдай ҳовлида ёлғиз қолиб кетишимни ўйлаб сиқиламан. Умидли дунё...

Ёшим 38 да. Маълумотим ўрта махсус. Икки қизим бор. 50 ёшгача бўлган,

хаётда ўзимдай қийинчилик кўрган, меҳнатсевар, уйим-жойим дейдиган, зарарли одатлардан холи инсон учраса, турмушга чиқмоқчиман.

АЗИЗА,
Тошкент вилояти.

ОИЛАМ МУСТАҲКАМ БЎЛСА...

Нигина билан севишиб турмуш қургандик. Унинг онаси савдо билан шуғулланарди. Онам болалигимда қазо қилгач, кўпроқ тарбиямиз билан катта олам шу-



гулланганди. Нигинага кўнглим борлигини эшитган онам аввал бошда ҳам "Куни бўйи бозордан бери келмаган аёлнинг қизининг тарбияси қанақа бўларкан", дея иккиланганди. Қизи бозорда нарсасотмайди-ку, барибир шунга уйланаман, деб оёқ тираб олгандим. Ўшанда бу кўргиликларим етти ухлаб тушимга ҳам кирмаган эди. Қизчали бўлди. Бу орада ишим юришмай, сал қийналиб қолдик. Қайнонам рўзгорга зарур маҳсулотларни келтириб, ёрдамлашиб турди. Кўп ўтмай хотиним ўзгара бошлади. Ўз уйимга бегонадай бўлиб қолдим. Бир куни қайнонам "Нигина, кўзингни каттароқ оч. Бу нимаси, лоақал ёб-ичишингни таъминлай олмайдиган эркак сенинг тенгингми? Битта боланг борида этагингни йиғиштир. Хўп десанг, олам гулистон. Сендан пулимини аямайман. Ахир ёлғиз қизимсан", дея ақл ўргатаётганини эшитиб қолдим. Охири қайнонам айтганини қилди. Қизим тирик етим бўлди. Қонуний ажрашдик.

Маълумотим ўрта-махсус. 45 ёшга-

ча бўлган, уйим-жойим дейдиган, вафодор, инсоний фазилатларни қадрлайдиган аёл учраса, оила қурмоқчиман.

КУДРАТ,
Тошкент шаҳри.

ИККИ ЁРТИ БИР БУТУНМИЗ

Саъдулла меҳрибон, раҳмдил бўлгани туфайли синфдошларим орасида ногирон бўлишимга қарамай доим менга яхши муомала қиларди. Пахта теримида ҳашарга чиқсак, теримчилар каторида бўлсам-да, пахтани тарози-га олиб боришни Саъдулланинг ёрдамисиз уddалолмасдим. Бора-бора унинг меҳри муҳаббатга айланди. Ота-онасининг қаршиликларига қарамай менга уйланди. Шунчалар бахтли эдимки, ўша кунларимни, қувончларимни сўз билан таърифлай олмайман. Қайнона-қайнотамнинг ҳам меҳрини қозондим. "Ногирон бўлсанг-да, сендан бахтли аёл йўқ дунёда", дея онамнинг боши осмонда эди. Тўғруқхонада қизчамни қўлига олган доянинг "Чап оёғи сал калтароқми?" деган сўзлари юрагимни музлатди. Кўз олдим қоронғулашиб, хушимдан кетибман. Қўзлари мунчоқдай гўдагимни бағримга босдим минг бир ҳадик юрагимни кемирарди. Бу хабарни эшитган қайнона-қайнонамнинг ҳафсаласи пир бўлди. Неварасига қиё ҳам боқишмади. Лекин Саъдулла қизимизни еру қўкка ишонмасди. Уни олиб бормаган дўхтири табиб қолмади. Натижаси бўлмади. Иккинчи қизимнинг ҳам оёғи калтароқ туғилгач, Саъдулланинг ҳам феъли ўзгарди. Ниҳоят қонуний ажрашдик. Орадан беш йил ўтгач, онам билан маслаҳатлашиб, "Оила ва жамият" газетасига ҳаётим тафсилотларини ёзиб хат йўладим. Олти ой ўтгач, тугилиб гапирадиган Кароматилла исмли йигит билан танишдим. Хотини нуқсонини юзига солавергач, ажрашишган экан. Икки ёрти бир бутун бўлиб, оила қурдик. Турмуш ўртоғим қизларимга меҳрибон. Ўз тенгини топдим. Сизлардан бир умр миннатдорман.

ХОСИЯТ,
Бухоро вилояти.

ТАХРИРИЯТДАН:

«Бахтли бўлинг» рукнига хат йўллаётган ёки бевосита мурожаат қилаётган фуқаролар паспорт нусхаси ва яшаш жойидан (маҳалла кўмитасидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади.

МУРОЖААТ УЧУН ТЕЛЕФОН: 234-25-46

ҚИЗИЛМИЯ Табиат — дорихона

Дарё, канал, қўл, ариқ бўйларида ва қумли жойларда ўсадиган қизилмия — солодка қадимдан шифобахш ўсимлик сифатида қадрланган. Халқ табобатида унинг илдизидан тайёрланган қайнатма шамоллаш, йўтал, қўқ йўтал, томоқ, меъда-ичак ва ичак яллиғланишида, сурункали қабзиятда энгил сурги дори сифатида қўлланилган. Абу Али Ибн Сино бу ўсимлик илдизининг қуқуни, шарбати билан қовуқ, меъда яллиғланиши ҳамда ўпка касаллигини даволаган. Қизилмия илдизидан олинган шарбат нафас йўллари шамоллаганда балғамни осон кўчиради.

Бу ўсимликдан тайёрланган малҳам экзема, аллергия, дерматитга шифо.

Шамоллаш ва йўталда ярим литр совуқ сувга қуришиб, майдаланган қизилмия илдизидан 1 ош қошиқ солиб 5-10 дақиқа қайнатилди. Сўнг оловдан олиб 10 дақиқа дамлаб қўйилди. Сузгичдан ўтказиб, ярим стакандан кунига 3 маҳал илқ ҳолда ичилади.

Сурункали қабзиятда қизилмия илдизидан талқон тайёрланади. Кунига 3 маҳал талқондан 1 чой қошиқ истеъмол қилинади. Ва дарҳол қайнатиб совитилган сув ичилади.

Қўқйўтал, томоқ, ичак яллиғланишида идишга 1 стакан сув қуйиб, устига қизилмия илдизининг майдаланганидан 15 г солинади. Сўнг 10 дақиқа қайнатилди ва 1 соат давомида дамлаб қўйилди. Сузгичдан ўтказиб кунига 4-5 маҳал 1 ош қошиқдан ичилади.



Лобар СОБИРОВА,
доришунос.

ҲОЙДАЛИ МАСЛАҲАТЛАР

- Идишга ўрнашиб қолган балиқ ёки пиёз хидини чой қуйқаси билан артиб йўқотса бўлади.
- Агар гул яхши "нафас" олиб ривожланишини хоҳласангиз, унинг баргларидаги чангни тез-тез артиб туринг.
- Кактус гулини эски тувакдан янгисига ўтказмоқчи бўлсангиз, резина қўлқопларни қўлнингизга кийиб олинг, сўнг гулни икки томонидан паралон билан авайлаб ушлагач, тупроққа тўлдирилган янги тувакка секин-асталик билан жойлаштиринг.
- Гул тувагига керагидан ортиқ сув қуйманг. Агар у 2-3 дақиқа ичида тортиб олмаса, сувини тўкиб ташланг, акс ҳолда гул томирлари чирий бошлайди.
- Қуёқ қилиб дамлалган қаҳвага идиш ювгични намлаб олинг, сўнг металл идишлар юзасини эҳтиёткорлик билан артиб чиқинг. Кейин тоза сув билан чайиб ташланг. Бу усул идишларингиз хиралашиб қолишини олдини олиб, уни кўзни қамаштиргудек ялтироқ холга келтиради.
- Чинни идишларни иссиқ сувда ювиш мумкин эмас. Акс ҳолда унинг жилвадорлиги йўқолиб сарғайиб қолади.

Гулноза БОБОЕВА тайёрлади.

ТЕАТРГА КИРОЛМАДИК...


— Алло, тахририятми?
— Худди шундай, эшитамиз сизни?

— Мен Жиззахдан Донохолман. Ўтган hafta оила аъзолари билан Тошкентни айлангани бордик. Пойтахтимизнинг диққатга сазовор жойларини зиёрат қилиб ниҳоятда қувондик. Кейин эса кечки соат олти яримларда ўзим яхши кўрган Миллий академик театрга бордик. Кассадан чипта оламиз десак, сотувчи қиз "Опажон, кеч қолдингиз, спектакль бошланганига ярим соат бўлди, энди бошқа куни келасиз?" деб жавоб берди. Қизиқ, бир пайтлар, эслайман, ёз ойларида деярли барча театр томошалари кечроқ, яъни соат 19 дан кейин бошланар, бу аксарият томошабинлар учун қулайлик туғдирарди. Яна театрга мухлис тушмаяпти, деган гапларни кўп эшитамиз, балки баҳор, ёз ойларида томоша вақтини сал чўзиш керакдир? Тагин бир гапни эшитдим, айрим актёрлар тўй-томошаларга кечикмаслик учун шундай йўл тўлишга эътибор эмиш, наҳот шу рост бўлса?

Бир қарашда арзимасдек туюлган ушбу масала ҳақиқатан ҳам мулоҳаза қилишга, шу билан бирга жиҳзаҳлик муштарийни ўйлантираётган саволларга аниқлик киритиш лозимлигини инобатга олиб, пойтахтимизда фаолият юритаётган номдор театр мутасаддиларига мурожаат этдик.

Ёкуб АХМЕДОВ,
Ўзбек Миллий академик драма театри директори:

— Энг аввало, халқимиз орасида шундай фидойи, талабчан мухлисларимиз борлигидан хурсанд бўлдим. Қолаверса, ҳақиқатан ҳам бир пайтлар спек-



такллар соат 19 да бошланган. Лекин кейинчалик томошабинларга ҳар томонлама қулайлик туғдириш мақсадида шундай йўл тўтилган. Албатта, мухлислар хамиша ҳақ ва биз бундай талаб ва истақларни эътиборга олган ҳолда ёзги мавсумда намоиш этиш режалаштирилган спектакллар вақтини 18.30 ёки 19.00 га қўчиришимиз мумкин. Бироқ яна бир нозик жиҳати ҳам борки, театримиз жамоаси июль ва август ойларида гастроль сафарларида ёки таътилда ҳам бўлади. Сентябрь ойидан бошлаб эса, биламизки, кунлар қисқариб боради.

Актёрлар тўйга бориш учун вақтни ўзгартиришган деган гап эса мутлақо нотўғри, мантиққа тўғри келмайди.

Муштарий мулоҳазаси

Хайрулла ИНОФОМОВ,
Муқимий номидаги давлат мухлиси драма театри директорининг ўринбосари:

— Газетада жуда долзарб мавзу кўтарилган. Раҳмат дейман, шу муҳлисга! Ушбу саволга жавобим шуки, бизнинг театр жамоаси 1 июндан эътиборан спектаклларнинг бошланиш вақтини соат 18.30 га қўчирганини маълум қилмоқчиман. Бу энди ёзги мавсумга ўтибди, деганидир.

Энди айнан томошаларнинг нима учун соат 18 да бошланишига келсак, театримиздаги спектакллар камида икки ярим-уч соатгача давом этади. Буни эътиборга олмасдан спектаклни кеч бошласак, албатта, томошабинлар кечкурун уйларига етиб олишда қийналади. Ваҳоланки, томошабин театрга спектакль кўраман, маданий ҳордиқ чиқараман, деб келади. Яширмайман, баъзан мухлисларнинг танаффус пайтида залдан чиқиб кетаётганига ҳам гувоҳимиз. Улардан "Нима, спектакль сизга ёқмади-ми, эрта-роқ чиқибсиз", деб сўрасак, баъзилари "Жон-жон деб охиригача кўрадигу, аммо борадиган йўлимиз узок-да, кеч қоламиз" дея жавоб беради. Бундай пайтда эътирозга ўрин қолмайди.



Алишер АЗИМОВ
ёзиб олди

ҚОНУН АСОСИДА БЕРИЛАДИ

Амалдаги ҳужжатларга кўра, ворислик икки ҳолатда, яъни васият ва қонун бўйича амалга оширилади. Қонун бўйича ворислик васият мавжуд бўлмаса ёхуд бутун мероснинг тақдирини белгиламаса, шунингдек, Фуқаролик Кодексида белгиланган бошқа ҳолларда амалга оширилади. Мерос очилган пайтдан мерос қолдирувчига тегишли бўлган унинг ўлимидан кейин ҳам бекор бўлмайдиган барча ҳуқуқ ва мажбуриятлар мерос таркибига қиради.

Мерос фуқаронинг ўлими ёки унинг суд томонидан вафот этган деб эълон қилиниши оқибатида очилади. Мероснинг очилиш жойи деб мерос қолдирувчининг охири яшаб турган жойи ҳисобланади. Фуқаролик кодексининг 1135-1140-моддаларида қонун бўйича ворисликнинг кетма-кетлик бўйича олтита

Мерос ҳуқуқи ҳақида
маълумот берсангиз?
О. Зарипова

навбати белгилаб қўйилган. Масалан, биринчи навбатдаги меросхўрлар сирасига болалари, эри (хотини), ота-онаси (фарзандликка эълан қилинган), иккинчи меросхўрлар ака-ука, опа-сингил, бобобувиси... ва ҳоказолар назарда тутилган.

Ворисларнинг ҳар бир навбати аввалги навбатдаги меросхўрлар бўлмаган, меросдан четлаштирилган, меросни қабул қилмаган ёхуд ундан воз кечган тақдирда ворислик ҳуқуқига эга бўлади. Қонунчиликдаги янгиликлардан бири, Фуқаролик Кодексига 1140-1-

модда киритилди, унга кўра агарда меросхўр мерос очилгандан сўнг вафот этса, унга тегишли улуш унинг меросхўрларига ўтиши белгилаб қўйилди.

Меросхўрлар давлат нотариал идорасидан қонунда белгиланган тартибда меросга бўлган ҳуқуқ тўғрисида гувоҳнома олишлари мумкин.

Мол-мулк ворислик ҳуқуқи бўйича давлатга ёки қонунда назарда тутилган ҳолларда фуқароларнинг ўзини-ўзи бошқариш органларига ўтган тақдирда меросга бўлган ҳуқуқ тўғрисидаги гувоҳнома тегишли давлат органига ёки фуқароларнинг ўзини-ўзи бошқариш органига берилади.

Саволга Наманган шаҳар
11-сонли ДНИ нотариуси
А. АРТИҚОВ жавоб берди.

Қилмиш-қидирмиш

йўли билан 80 минг сўм микдорида пора олаётганида қўлга тушди.

Департаментнинг Ҳамза туман бўлими ходимларининг аралашуви билан ўз хизмат вазифасидан ноқонуний фойдаланишга уринган қотиба қилмишига яраша жазоланди.

Равшан РАҲИМОВ,
Бош прокуратура ҳузуридаги СВОЖДЛКК
Департаменти Тошкент шаҳар
Ҳамза тумани катта инспектори.



СПОРТ... СПОРТ... СПОРТ...

УМИД УМИДНИ ОҚЛАДИ

Пойтахтимизда бодибилдинг ва фитнес бўйича Осиё чемпионати бўлиб ўтди.

Мусобақада йигирмадан зиёд мамлакатдан 200 нафарга яқин спортчи голибчи учун куч синашди.

"Туркистон" санъат саройида ўтган мусобақада Умид Қўлтоев вази 75 килограммгача бўлган бодибилдингчилар баҳсида олтин медални қўлга киритди. Ушбу вази тоифасида қатнашган яна бир умидли спортчимиз Самвел Григорян бронза медал билан тақдирланди.

Бодибилдинг бўйича қизлар ўртасидаги баҳсларда ҳамюртимиз Алина Яфизова учинчи ўринни эгаллади.

Шунингдек, ироқлик Жавод Другам, Ашар Абайи, қувайтлик Ҳама Алшати, Жанубий Корея вакили Юн Жай Кун, мўғулистонлик Нергуй Хурелбаатар, қизлар ўртасида япониялик Саото Яманучи, қозғистонлик Ирина Шелинговская, Хитой Тайпейидан Минг Ли, сингапурлик Сри Даднан Нур, ҳиндистонлик Деви Мамота каби спортчилар голиб ва совриндорлар сафидан жой олди.

ҚОСИМОВ ЯНА БОШ МУРАББИЙ

Миржалол Қосимов Ўзбекистон миллий терма жамоасининг янги бош мураббийи этиб тайинланди!

Тошкентнинг «Бунёдкор» клуби билан Осиё чемпионлар лигасининг чорак финалига қадам етиб борган Миржалол Қосимов эндиликда терма жамоани иккинчи бор қабул қилиб олди.



Ўзбекистон олимпия терма жамоаси Лондон-2012 чиптасини сўнгги дақиқаларда бой берганидан сўнг, футбол мухлисларининг умиди миллий терма жамоадан бўлиб турганди. Вадим Абрамов шоғирдлари, IV саралаш босқичини муваффақиятсиз бошлашди. Худди олимпиячилар сингари, терма жамоамиз ҳам сўнгги дақиқада ўз дарвозасидан гол ўтказиб юборишди. Мақсуд сабабларни инобатга олган Ўзбекистон футбол федерацияси терма жамоалар маркази Вадим Абрамовни истеъфога чиқарди.

Интернет манбалари асосида
Илҳом ЖУМАНОВ тайёрлади.

ТАЪМАГИР КОТИБА

Деярли ҳар куни турли юмушлар баҳонасида маҳалла кўмиталарига ишимиз тушади. Пойтахтимизнинг Ҳамза туманидаги маҳалла фуқаролар йиғинларидан бирида масъул қотиба бўлиб ишлаётган М.Солиева (исм-шарифи ўзгартирилган) уддабурон қилиб қолди. Бир сўз билан айтганда, соддадил кишиларнинг ишончини қозониб, ўз вазифасини суиистеъмол қилишдан қайтмайдиганлардан бири сифатида танилди.

Фуқаро А.Зоировнинг аризаси асосида ўтказилган тадбир қотибанинг ана шундай кингир ишларидан бирини фош этди. У ўз хизмат хонасида икки ёшгача бўлган болалар нафақасини олиш учун ҳужжат тўғрилаш эвазига товламачилик

Муассислар: Ўзбекистон Хотин-қизлар кўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро хайрия жамғармаси

Тахририятга келган қўлёзмалар муаллифларга қайтарилмайди. Реклама материаллари мазмунини учун тахририят жавобгар эмас.

«Шарқ» нашриёт-матбаа акциядорлик компанияси босмахонасида chop этилди. Тошкент, Буюк Турон кўчаси, 41-уй. Босишга топшириш вақти: — 15:00 Босишга топширилди: — 15:00

E-mail: oilavajamiyat@sarkor.uz

ISSN 2010-7609



Бош муҳаррир:
Норқобил ЖАЛИЛОВ

Навбатчи муҳаррир — Шаҳноза РОФИЕВА
Саҳифаловчи — Оқил РАҲИМОВ
Мусахҳилар — Саидғани САЙДАЛИМОВ,
Гулноза БОБОЕВА

МАНЗИЛИМИЗ: Тошкент — 100000. Амир Темури кўчаси
1-тор кўча, 2-уй. Мўҳал: Олой Бозори ёнида

Ўзбекистон Матбуот ва ахборот агентлигида
0169-рақам билан 11.01.07 да рўйхатга
олинган. Бюуртма Г — 628. Формати А-3,
ҳажми 2 табоқ. Адади — 10201. Баҳоси кели-
шилган нархда.

ОБУНА ИНДЕКСИ — 176

Қабулхона: (тел/факс) 233-28-20
Котибият: 234-76-08
Мухбирлар: 233-04-50
«Оила» бўлими: 234-25-46

Web-site: oilavajamiyat.uz

1 2 3 4 5